



ILITTUQHIIYUT UUKTUQTAKHANUT NUNAVUT NUNANIK ATUQTAKHANUT PARNAUTIKHAT
PINGAHUAT QAUYIHAIYUNIT MIITIQTUNUT

Januali 18 – 22, 2016
Kangiqhiniq, Nunavut
Siniktarvik Hiniktarvik Katimavik, Salon A/B

Ublua: Dissaipa 18, 2015

Maligaunmi ilangani 11.5.4 ukunani Nunavut Nunatararviup Angirunmi (NLCA) ilanganilu 51 ukunani *Nunavut Parnaiyainut unalu Havaariyaayukhaq Qauyihaiyunut Maligaq* (Kanatami) (NUPPAA), Nunavut Parnaiyaiyit (NPC) katimapkainahuaqtut Kavamaliqinikhamut Tuhaumayakhait ukunani Uuktuqhimayainnit Nunat Atuqtaunikhainut Parnaiyautit (DNLUP), katimayukhaugaluqaqtut Nuvaippa 21 mit 27 mut 2016 mi, Iqaluinmi katimavikhait huli naunaiyaqhimaittut. NPC-kut naunaipkarahuaqtut kavamanut naunairvikhait ilagihimayait inikhautikhait ikarrvikhangillu Kavamanut Tuhaumapkaqtinnatik, ublukhaillu titiqqainut, titirariiqhimayut turaarvikhait kiuvikhangillu aivaqattautihimayangillu, kinguani ublukhait, humiliqaak qakuguliqaak Kavamanut Tuhaumavikhangit.

Ilauhimayut qauyiharnigut ayuittunut ilautquyaayut katimalutik ukunani Qauyihauktukhanut Katimayunut uvani Januali 18 mit 22 mut, 2016 mi uvani Siniktarvik Hiniktarvingmi Katimavingmilu, Salon A/B: Kangiqhiniq, Nunavut. Maligaunmi maliktaktait 20.1 haffumani NPC'p *Maliguarutait Uuktuutainit haffumani Kavamaliqinikkut Tuhaumayakhait Kavamaliqinikkut Qimilruqtakhait* nutaannguqtiquahimayut uvani Julai 8, 2015 mi (RPHPR), ilauqatauyut unalu NPC lu katimadjutigihunnguyaahat tahapkuat titiqqait tutquqtukhauyaaminu ukunani Parnaiyunit ilagiyangit pilihaaqtakhanut naunaitkutit tuhaumagiakhaq, qimilrugiamilu niplautigilugulu naunairvikhait kavamanut tuhaumapkaqtinnatik, kihinnugulaittunillu:

- huliyakhait ihumagiyaugumik ihuaqhaiffaarnirnut ukunani DNLUP havakhimataaqtunit ihumaliuqtangit ilauqatauhimayunut hivuani kiutqaaqhimayaraluangit;
- ilittuqhiiyangit kiudjutaa ikayuutaayut nunat aturnikhainirnut tikkuqaqtauhimayut tukhiutaugaluqaqtangit ilauhimayunut; unalu
- ilitturilaangat ayuittunut unalu turaarvigiyangit ayuittunut unipkaariyangit haffumani NPC nit ilauhimayunullu.

Hamna katimadjutit katimavikhait, unalu titiqqait takugakhait ihuaqhaitaarningit ukunani DNLUP tuniyauniaqtut ilaunahuaqtunut qanilrumi.

Ilaugataunahuaqtut apiriyaayut katimaqatauniarumik uqariiruaqatut Qauyiharnikhanut Katimayukhat, ilaginahuarlugillu qaffiungmangaat ilauqatauniarumik, Januali 11, 2016 nguqtinnagu, kihiani hamna naunaiyautauyuq ilaliutauyuq.

Aadjiliugainit haffumani NPC'p nutaannguqhimayangit *RPHPR*, ilittuqhittiarumaguvit ilauqataunirnut, qimilrurianganilu kavamanut titiqqait katimadjutikhait haffumaniluniit naunairutaanit, hivayainnarialik NPC uvani turaarutaani ataaniittumi:

- Jonathan Savoy uvani jsavoy@nunavut.ca; uvanilluunniit
- Nunavut Parnaiyaiyit, Titiqqivinga 2101, Iqaluktuuttiaq, Nunavut X0B 0C0; Hivayautaa: 867-983-4625 | Kayumiktukkut: 867-983-4626 | Qaritauyakkut Turaarvutaa: <http://www.nunavut.ca>